



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tractatus De Moribus, Amore,
Servitio Æternæ Sapientiæ

Družbicki, Kaspar

Ingolstadii, 1732

VD18 90066375

Cap. XXIII. Æternæ Sapientiæ triplicis generis laudatio.

urn:nbn:de:hbz:466:1-45408

*simam, Pulcherrimam, Dulcissimam, Dignissimam
Sapientiam.*

Æterna Sap. Dulcissime JESU opto ex animo ut cum primum oculos meos mane patefacio, simul etiam sese cor meum capacissime dilatet, omnibusque portis ejus flagrantissima & amantissima laudis & exaltationis tue flamma prorumpat, sursumque feratur cum ignitissimo cordis Amore, Tuæ Sanctissimæ Humanitatis, tuæ Pretiosissimæ Parentis, tui Supremi quem in laudem & Charitatem tuam condidisti Seraphici Spiritus, te in beata æternitate sine fine incessabiliter amantis. Atque etiam cum illa inexhausta & immensa, & incomprehensibili charitate, quâ Pater cœlestis tuus, te unicum simulque Charissimum Filium suum complectitur, per Amorem suavisimum Spiritus Sancti ex Patre, & Te Filio procedentis: Cum quo vobis sit suprema Laus & Gloria in sæculum & ultra.

C A P U T XXIII.

Æterna Sapientiæ triplicis generis Laudatio.

Æterna Sapientiæ Laudatio, dulcissima esse debet amanti ipsam occupatio: nec illi potest deesse laudandi illam materies. Nam præter Divinitatem ejus, quæ sola est infinitarum Laudum materies, ipsa Sapientia, ut sensibiles, hominibus sensu duci solitis, suppeditaret Laudum suarum materias, in omnibus rebus, quas tam infinitè varias, tam variè infinitas condidit, laudum suarum segetem reliquit, & veluti in libellis quibusdam per partes descripsit, per totumque Universum, cælos, aera, Aquas, terras. Terræ viscera sparsit, ut ubi ubi homo esset, nusquam

quam Sapientiam æternam non laudaret, la-
dumque ejus materiam non reperiret. Quod
quanquam ita est, ubi tamen experientia con-
tit Æternæ Sapientiæ raros esse, qui eam lau-
rent, laudare vellent, laudes ejus in tot istis ubi-
que sparsis foris & intus libellis pagellisque scri-
ptis legere scirent; denique huc descendit, u-
ipsamet laudatrix sui esset, ideoque apud Sapi-
entem quendam denunciat toti mundo in hunc
modum: (*Sapientia laudabit Animam suam suam, &*
in Deo honorabitur, & in medio populis ui gloriabitur: &
in Ecclesiis Altissimi aperiet os suum, & in
conspictu Virtutis illius gloriabitur, & in medio po-
puli sui exaltabitur, & in plenitudine sancta admira-
bitur, & in multitudine electorum habebit laudem, &
inter benedictos benedicetur, dicens: Ego ex Ore Al-
tissimi prodii, primogenita ante omnem Creaturam.
Ego feci in cœlis ut orietur lumen indeficiens, & sicut
nebula texi omnem terram. Ego in Altissimis habi-
tavi, & thronus meus in columna nubis.) & qua-
ibi fusissimè deinceps in sui laudem prosequitur.
Credo partim ideò ut se laude dignissimam Di-
gnissimo ore, hoc est, suo laudet. partim ideò,
ut rationales creaturas, ab ipsâ ad laudandum
ipsas creatas, in hac tamen re negligentes, suo-
met exemplo confundat tanquam ingratas. par-
tim denique ideò, ut nobis, si qui eam laudare
aliquando vellemus, Materiam, ideam, exem-
plum laudandi se præberet. Quoniam igitur
Sapientiæ Æternæ laudandæ, & onus incumbit
nobis, & materia suppetit, & exemplar habe-
mus; deesse jam officio nostro, sublatâ omni
excusatione non possumus: tantum modum ha-
rum laudum (si quis tamen modus in summè lau-
dabili

dabili & laudandâ Sapientia Æterna esse potest
vel debet) discamus.

Triplex autem Modus (quantum nunc adver-
to) Laudandi Æternam Sapientiam esse cogita-
rique potest. Cordis scilicet. Oris. Operis. Cor-
de laudatur Sapientia Aeterna : tunc 1. quando
Dignissimè de eâ cogitatur & decernitur, quando
omnibus Superior, pulchrior, dignior, melior,
dulcior, perfectior judicatur, & velut talis sin-
cero corde super omnia æstimatur, appretiatur,
collocatur, exaltatur. 2. Quando etiam totâ
affectione interni & intimi & rationalis latitudine,
hilaritate, conversione, perseverantia in eam ten-
ditur ; ita ut nulli rei quantumvis pretiosæ, tan-
tum voluntas nostra quantum Sapientiæ Æter-
næ afficiatur, 3. Quando etiam de eâ suaviter,
frequenter, amabiliter, delectabiliter, reveren-
ter cogitatur. 4. Quando cum eâ tanquam cum
decentissimo Amico atque fidelissimo & intimo
versamur, moramur, communicamus, consul-
tamus. ad absentem aspiramus & tædiosâ inqui-
tudine pungimur, languemus, marcescimus, ad
præsentem festinamus, ruimus, nec satiamur,
sed accendimur & famescimus. 5. Quando
denique honori ejus, Notitiæ, Laudi, ubique lo-
cum tam in propriis actibus, quam in alienis cor-
dibus cedimus & præparamus, nihilque ejus non
laude, & Amore, & Honore signatum agimus ac
habemus.

Ore Laudatur Æterna Sapientia tunc, quan-
do ex abundantia cordis (jam modò aliquatenus
explicata) os loquitur, & partim orando ipsam,
partim de ipsâ, partim cum ipsa loquendo, ex-
quisitisque & condignis, & dignissimam illi apud
alios

78 *Tractatus de Moribus, Amore,*

alios opinionem parantibus verbis (prolati scriptis) uti conamur & confuescimus. tunc etiam, Quando illi affectus cordis nostri ore & verbo pandimus, non ut illos audiat, quos in Corde etiam antequam essent vidit, imò feci, sed ut hac etiam parte, quā cæteris rebus ipsa Sapientia instituente, sensa cordium nostrorum pandimus, etiam illi tanquam opifici omnium laudem & affectum intimum promamus.

81.

Opere Sapientia Æterna laudatur tunc. 1. Quando quicquid agimus, quacunque parte & potentia nostrâ, omni tempore, laudi ejus totum assignamus. 2. Quando etiam, specialia quam opera honori illius diligimus & efficiimus. 3. Quando non contenti puram rectamque laudandi Æternam Sapientiam, Intentionem ad quælibet opera nostra applicuisse, ex affectu condignè exaltandi Sapientiam Æternam, opera, & in Substantia & in Motivo, & in conatu Heroicâ excelsaque aggredimur ac perficimus, & totaliter ipsi Sapientiæ Æternæ submittimus. è quo genere operum, illa esse censeo, quæ Heroicam Charitatem, Patientiam, Obedientiamque etiam exterius præseferunt: itemque illa quæ famam, honorem, opinionem, amorem, reputationemque propriam nostram apud homines, (secluso scandalo proximi & peccato) pessundant, nosque multum humiliant & vilificant. De hoc etiam operum genere, sunt Opera spem & Fiduciam in Deum atque Resignationem exercentia.

CAPUT